

Sh



59844

III


Mag. St. Dr.

kat. komp.

P

*Speronii Joachimi: Botrus Cypri celestis - i.e.
Quaestio theologica de gratia habituali.*

Teol. 4344



B O T R V S
CYPRI COELESTIS,

DE DIVINIORIBVS GRATIÆ DEI VINEIS,
Longè quàm Engaddicis felicioribus,



DECEPTVS:

E T

Illustriſſimo ac Reuerendiſſimo Principi, ac Domino,

D. P E T R O
G E M B I C K I,

DEI & Apoſtolicæ Sedis Gratiâ

EPISCOPO CRACOVIENSI,

D V C I S E V E R I Æ,

CANCELLARIO Academiaſt nostræ Ampliſſimo,
& Fauentiſſimo,

DOMINO AC MECOENATI CLEMENTIſſIMO.

~

M. IOACHIMO SPERONIO, *Sacraſ Theologiaſ Profeſſore,*
Eccleſiaſ Collegiaſ S. Floriani Canonico, Parocho Proſouienſi;
ad ſacram Magiſtri Sententiarum prælectionem, cum
Diuino adiutorio accedente,

OBLATVS AC PRÆSENTATVS.

Anno à Partu Virginis, Dei Parentis, 1652.

Menſe


Die

Horâ

C R A C O V I Æ, 6.

In Officina Typographica Lucaſ Kupiſz S.R.M. Typographi.

IN ARMA
DOMVS ILLVSTRISSIMÆ
GEMBICIANÆ
De Regno Amplissimo & Patria vniuersa
MERITISSIMÆ.




59844/11

FASCIA Præsuleis Patriæ redimita Tiaris
Quàm grauibus factis Sarmatico orbe nites!
Quid mirum! æthereis collustrans nexibus orbem
Ambis, æthereis æmula facta choris.
Fausta vige partis Patrio super axe trophæis
Clarefcens meritis FASCIA adaucta pijs.



BOTRVS CYPRI COELESTIS.



BOTRVM Cypri mysticum, gratiæ iustificantis, non ex vineis Engaddicis, amantate, ac fertilitate commendatissimis, decerptum; sed ex vinea æternæ DEI prouidentia, ac misericordiæ, per CHRISTVM Seruatorem, in vinea Sponsæ suæ Ecclesiæ, felicissime ad communem omnium salutem plantatum, **ILLVSTRISS: CELSIT: VESTRÆ** obsequentiissima animi ac voluntatis offero promptitudine **PRINCEPS ILLVSTRISSIME.** Ausim demissè precari, ut Donum hoc tam Diuinum, tantò sit **ILLVSTRISS: CELSIT: VESTRÆ** acceptius, quantò minus consuetum est, in medijs rigentis brumæ algoribus; cum rosarum flores, tum botros præstò haberi; quales tamen in ipsa nocte Natalitiorum Seruatoris nostri; vineas proferre fama est Engaddicas.

Multò verò felicius, tot botris gratiarum, tantarum virtutum, ac donorum racemis, tam peculiarium gratiæ sacramentalis effectuum, fructibus abundat, vinea Christi Ecclesia Catholica; ut sigillatim quodlibet istorum, viris quantavis dignitate ac virtutum splendore principibus, munus nimimè indignum censeatur.

Tantò igitur libentiùs, non gemmas nitore fucum pretio imponentes; neq; ex triuialibus prophanae doctrinae plantarijs collectas rosas; sed racemum gratiæ supernaturalis peccatores iustificantis; imò ipsum tam Diuini Botri plantatorem, æternum æterni Patris **VERBUM**, humanâ carne ad hoc indutum, ac vestitum; ut vita, sanguis, spiritus, præstò adessent, quibus generi mortalium, morte crudeli exhauriendis, graiificari posset. Istæ profectò suprema est DEI Patris misericordiarum benignitas, ut nouissimè loqueretur nobis in Filio, sibi in æternitate,

nitate, unà cum Spiritu Diuinissimo, naturæ diuinitate, ac perfectione, per omnia coequali. Hac sunt vicina cognatarum solennitatum, ut D. Leo loquitur, Sacramenta, Nati mediatoris DEI, & hominum; ac manifestationis eius Regis, qui in præsepio iacebat (inquit D. Aurelius) & Magos ab oriente ducebat: quibus beato exultationis vigore, ac feruore fidei passim calefcente; cultu anniuersario Deo O. M. summâ omnium submissione, atq; cum omni honoris, venerationis, gloriæ confessione; habendis gratiarum actionibus, pro tantis beneficijs, tam copiosâ redemptione, ac salute, totam se offert; ac impendit militans Ecclesia sanctissimè. Communem hanc Sanctæ Matris complexus animo letitiam, unà etiam diem exoptatum illuxisse mihi gratulor, quo circa primum lecturæ Magistri Sententiarum ingressum, post adiutorium Diuinum implorato ILLVSTRIS: CELSIT: VESTRÆ iudicio, protectione, patrocinio, cultus ac debitæ venerationis in Patronum Clementissimum, Clientem deditissimum; ac beneficiorum acceptorum cultor gratissimus: in Cancellarium ac Conseruatorem, Legum & Iurium Academia, unus è numero eiusdem Ciuium; in defensore uniuersæ rei literariæ, ac immunitatum eius, ut Maiorum nostrorum memoriâ, ita quoq; nostra, eundem semper ac integerrimum, Professor Academicus: animi affectum palam facerem contestatum. A multo namq; tempore, tot ac tantis ILLVSTRIS: CELSIT: VESTRÆ, gratiæ augustæ fauoribus, ac documentis, me obstrictissimum esse; frequentissimè gratissima mecum recolo memoriâ; quæ si pertinaci taciturnitate dissimularem, non solum ingratitudinis, sed inhumana planè feritatis ægritudine, laborare meritò iudicaretur. Mitto ego, tot & tanta in me ab ILLVSTRIS: & REVERENDIS: CELSIT: VESTRA deriuata beneficia; prætereo Almæ Matri meæ Academia Craconiensi. in eius necessitatibus toties data saluberrima consilia, atq; efficacissima exhibita præsidia. Illud dignum æuiternâ memoriâ factum, ac zelum verè Præsuleum, ad imitationem sacrosanctæ posteritatis commemoro. Cum enim ferè ante quadriennium, Prossouia, ubi Maiorum meorum voluntate ad professionem Academicam prouisus, Pa-
rochum

rochum indignum ago, sub tempus Comitiorum particularium, frequentissimo nobilitatis concursu, in una domorum, Hereticorum immani furore ac sæuitiâ, Imaginem Virginis Beatissimæ **MARIÆ**, in facie sua sanctissima, enormi cicatricum feditate deformatam, **ILLVSTRIS: CELSIT: VESTRA** accepisset; graui primùm sensu doloris, tandem zelo iusto, & sancto commoueri animo; atq; mox, mihi, imò Patribus nostræ Vniuersitatis seriò iniungere; ut intermissa studij sacri, ad quod iam destinatus eram inchoatione, Lublinum irem quantociùs, atq; criminis atrocitatem publicè in loco Iudicij sanctissimo exponerem, sufficientissimis ad hoc omni ex parte **ILLVSTRIS: CELSIT: VESTRÆ** instructus, & præmunitus cohortationibus, literis, vecturæ, ac rerum cæterarum præsidijs. Cum verò causa ibidem tunc minimè posset terminari; nec **ILLVSTRIS: CELSIT: VESTRA** à proposito destitit sacrosancto; meq; iteratò Petricouiam, ad similia Tribunalis Iudicia expedit, donec res tota, ex animi sententia conficeretur, aususq; immanitatis Hæreseos improbæ, pœnâ indulgentiæ utiq; locum inueniente, mulctaretur. Hunc Virgo Beatissima **ILLVSTRIS: CELSIT: VESTRÆ**, erga se amoris ac deuotionis affectum; hanc Pastoralis curæ pro gloria Dei, atq; sua vindicanda iniuria, exhaustam sollicitudinem, patrocínio perenni subleuabit; posteri imitabuntur, boni omnes unà mecum admirabuntur, prædicabunt. Nam Principem ut in Regno, ita in Clero Præsulem, quem Deus O. sacræ Tiaræ ac sublimitatis eminentiâ, Cleri sui, & ouilis amplitudini, antestare voluit; vitæq; sanctitate, ac virtutum debito splendore prælucere, fructu laudum suarum minimè carere oportere, in confesso est; monente auri oris Antistite; eos qui Principum laudes eloquuntur; vel hoc uno, si nihil reliqui esset mercedis, satis consequi ornamenti quod Principem magni faciunt.

Rectè hoc & sanctè Doctor Sanctus adnotauit; nam virtutes publico bono prodesse natæ, publicos exigunt laudatores, non solum ut memoria vigeat meritorum, ad honorem posterorum; sed etiam, ut exempla ad imitationem plurimorum conseruentur. Quis verò est in Regno, cui incompertæ sint laudes, ac præconia

Domus GEMBICIANÆ ILLVSTRISSIMÆ, propter splendorem virtutum in Patria maximarum; ac publicam lucem & fulgorem, tot functionum & magistratuum, quā in Ecclesia Dei, quā in summa Regni totius luce susceptorum, gestorum, ac felicissimè confectorum. Adnotat operosè omnia orbis Sarmaticus inserturus victuris annalibus, sigillatim, summorū Domus ILLVSTRISSIMÆ virorum, ac utriusq; dignitatis Senatorum, constantem in Reges ac Dominos, fidei, & obsequiorum præstantiam, vsibus ac bono Patriæ, quoties opus est, supeditata consilia, collata præsidia, amorem in totam Rempublicam & Regnum amplissimum, semper eundem, hoc est constantem, syncerum, magnanimum.

His gradibus virtutum rarissimarum; hac in Patria, pro bono Patriæ, rerum gestarum magnitudine, prouectus olim iustissimè, ad summum Archiepiscopalis Tiaræ Gnesnē: honorem ILLVSTRISSIMVS LAVRENTIVS GEMBICKI, ut confessione tunc omnium, meritò Primatem primumq; Principem ageret; qui primario virtutum Heroicarum splendore, in Ecclesiæ Dei eminentissimo candelabro, inq; Patriæ vniuersæ luce clarissima, tantum inclaruisset. Porro ILLVSTRISS: CELSIT: VESTRÆ virtutes, vota, studia, obsequia, ac promerita in Ecclesiam, Reges, Patriam, ac Rempub: vniuersam; quanta, quā solidā, promptā, fidelia semper eluxerint, dixerim quā breuissimè; cum omni animi sanctitate, ac pietate, cum oris ac vultus, dignissima Antistite Maiestate, ex animo ILLVSTRISSIMI olim PATRVI Archiepiscopi Gnesnē; in animum ILLVSTRISSIMI PETRI GEMBICKI Episcopi Craconiē: felicissimè aut commigrauisse vniuersa, aut multò adaucta magnificentius; splendidissimè magis ac magis in dies elucescere. Versantur in luce ac oculis totius Regni, publicè ab ILLVSTRISS: CELSIT: VESTRA pro bono publico, tot munera suscepta, tot magistratus gesti, & summa cum laude absoluti. Præludium erat sublimiorum, sede Episcopatus Craconiē: vacante, quem nunc ILLVSTRISS: CELSIT: VESTRA, diuinā benignitate felicissimè obtinet, accurata, diligens, exactè confecta gemina Administratio; quam
minimè

minimè segni tramite, vis animi præstans, otio marcescere nescia, auspicato est progressu consecuta. Regiæ itaq; Maiestati, Regionumq; obsequiorum vñibus, ac Patriæ, functionibus iam benè antea commendata, ac perspecta virtus, grauitas, rerum gerendarum circumspecta semper prudentia, ac dexteritas, in conspectum bono publico prodijt exoptatum. Ritè felices non nemo vocauerit; quos aulæ Principum illustriores quàm acceperant, reddidère. Hoc assertum in ILLVSTRISS: CELSIT: VESTRA documentum, in summa Reipub: Magistratus, Vice-Cancellarij Regni, breui post Supremi Cancellarij, & Episcopatus Præmysliensis dignitate; cepit clarissimum vnà cum fructu Patriæ, ac Reipub: amplissimo. Ibi demùm publicè constitit, ILLVSTRISS: CELSIT: VESTRAM parem attulisse animum, tantæ moli negotiorum publicorum, tantæ magnitudini rerum gerendarum, quanta vtrumq; illum Togatæ dignitatis munus in Regia supremum consequitur. Verum hæc annalium loquetur memoria vberimè.

Adnotabat alto summoq; animi sui iudicio, in Trino illo tantæ amplitudinis Magistratu, ab ILLVSTRISS: CELSIT: VESTRA in exhaustas curas, labores, sollicitudines, cogitationes pro Reipub: grauissimas Serenissimus atq; Inuictissimus Rex olim VLADISLAVS IV, Dominus ac Conseruator Academiæ nostræ Clementissimus; iamq; tot virtutibus ac meritis, ILLVSTRISS: CELSIT: VESTRÆ præmia concessis ampliora, animi tacita voluntate designabat. Nec mora, datâ facultate, Rex ille maximus, votis bonorum omnium, communi consensu voluntatem Regiam prosequentibus; ILLVSTRISS: CELSIT: VESTRAM Episcopum Craconiën. nominauit. Eminentie ac dignitatis Præsuleæ; feliciter iam per decennium continuatæ, simulq; Senatoriæ dignitatis amplitudinem; nouis quasi de integro, summisq; sanctarum virtutum auges progressionibus, promoues actuum Heroicorum accessionibus, illustras & conseruas maximis in Ecclesiam, ac Patriam vniuersam, quâ pacis, quâ belli temporibus præsidij, impensis, ac sumptibus, pro bono & salute Patriæ, identidem magnificè faciendis, ac suslinendis. Nimirum sapienter ac sacrosanctè ILLVSTRISS:

CELSIT: VESTRA existimat, tam sublimis in Ecclesia Dei dignitatis, qualem constat esse Episcopalem, multò alijs grauioribus, ac sanctioribus addictam esse curis, cogitationibus actionibus; cultus Diuini perpetuò promouendi, pietatis amplius propagandæ, immunitatis Ecclesiasticæ ab aduersis impetitionibus vindicandæ, incolumitatis Patriæ ac salutis conseruandæ, omnium eorum, qui verum requirunt patrocinium, opemq; implorant rationibus iuuandis, ac promouendis; omni deniq; afflictorum, ac indigentium necessitati, benignitate, consilio, misericordiâ prouidendi, protegendî. Hæc ab ILLUSTRISS: CELSIT: VESTRA diuersis tam boni communis, quàm priuatorum exigentibus commodis; in primario isto Regni florentissimi Episcopatu gubernando, præfulgente; magnificè præstari ac sacrosanctè promoueri; nouit non solum Clerus, ac Diocesis vniuersa Cracouiens, sed tota quoq; Patria, & Regnum Amplissimū. Incubuit annis proximis procella in Regnum, & Rempub. vniuersam; grauis, turbulenta, formidolosa, Cosacorum immani feritate, & laniena passim furentium, ac sanguinem ciuium liberorum impunè profundentium. Ex communi consilio decretâ expeditio generalis, contra hostem propè domesticum, Serenissimus ac Inuictissimus IOANNES CASIMIRVS REX Poloniæ ac Sueciæ, Dominus noster Clementissimus; prior cunctis ferme in Castra perrexerit, hostem aut deleturus, aut supplicanti misericordiam, quæ Regum est consueta clementia, elargiturus. At verò ILLUSTRISS: CELSIT: VESTRA præter certissima, quâ bellico vsui præsidia suppeditata, quâ domesticæ tranquillitati ac saluti conseruandæ, congregatas armorum copias, publicis altis impendijs, piam animi voluntatem, ad Diuinam opem, & auxilium cæleste, demissè conuertit implorandum.

Sanè iste modus est pugnandi contra hostem, etiam ferocissimum, omnium efficacissimus; oratione eundem aut superare, aut in fugam vertere erubescendam. Sic orante olim super verticem collis Moyse, manusq; in cælum leuante, Israël Amalechitas superabat. Sic ad orationem Eliæ, ultor ignis de cælo erumpebat, & cohortes inimicas leonis instar deuorabat. Sic Serenissimo

simo ac Potentissimo Rege nostro CASIMIRO, tanquam altero Iosue, fortiter in acie contra hostem pro gloria Domini, pro salute Patriæ dimicante: ac ILLVSTRIS: CELSIT: VESTRA, in sua Episcopali residentia, & Sede, cum toto Clero, ac vniuerso populo, pro conseruatione Regni, sine intermissione Dominum deprecante, Diuinâ factum est benignitate, ut quietem ac tranquillitatem exoptatam cuncti iam videamur consecuti. Mitto nunc deprehensas ab ILLVSTRIS: CELSIT: VESTRA, ad exitium Craconiæ, imò Patriæ, clam instructas insidias, & ignem illum proditiōis, iam non mediocriter in flammam erumpentem, Diuina quadam celeritate præuentum, ac in suis fanillis suffocatum. Præfati unculamen enim texo obiter, non historiam scribo, ad memoriam posteritatis consultò transmittendam. Extremo loco ILLVSTRIS: CELSIT: VESTR: Sacerdos ac exorator indignus, Episcopo ac Patrono Clementissimo supplico, vnus è numero ciuium literatorum, Senatori, Protectori, Cancellario, atq; Conseruatori Academiæ nostræ fauentissimo: vnà cum Parente nostra, rem vniuersam literariam, animo perquàm demisso, exoptans esse, ut semper fuit, commendatissimam: quæ si ullis vnquam in Regno Amplissimo, certè post Dei gratiam & auxilium, ILLVSTRISSIMÆ DOMVS GEMBICIANÆ, se omni necessitatis tempore, fuisse auctam, defensam, sanctissimè recognoscit. Viue diutissimè ac felicissimè ILLVSTRIS: PRINCEPS, Domine noster Clementissime, hoc ILLVSTRIS: CELSIT: VESTRÆ, vnà cum Ecclesia Dei, Regno Amplissimo, Repub. florentissima Vniuersitas nostra, ea qua par est animorū submissiōne, ac studiorum voluntate obsequentissima apprecatur.

Illustrissimæ Celsitudinis Vestræ.

Cliens humillimus, & Exorator apud Deum
 indignus

M. IOACHIMVS SPERONIVS, S. Theologiæ Sententiarius ad
 S. Floriani Canonicus, Parochus Prossouienf.

C

Quia



Quia gratia est supra naturam humanam, non potest esse, quod sit substantia, aut forma substantialis; ipsius animæ. Id enim quod substantialiter est in Deo, accidentaliter fit in anima, participante diuinam bonitatem. & mox:

Quia anima, imperfectè participat, diuinam bonitatem, quæ est gratia, imperfectiori modo, habet esse in anima, quàm anima in seipsa subsistat. Est tamen nobilior, quàm natura animæ, inquantum est expressio, vel participatio diuinæ bonitatis.

D. Thomas 1. secunde, quæst.: 110. art.: 2. ad secundum.

Non sic omne bonum quod agimus, attribuendum est gratiæ, vt meritum liberi arbitrij tollatur: qui error est Manichæorum. Nec sic merito hominis, vt gratia secludatur, in quo Pelagius errabat. Concedimus quidem totum esse ex gratia, sed non ex sola gratia: cum aliquid sit ex merito, sic tamen vt illud idem sit ex gratia. Omne enim bonum meritum, quod est ex libero arbitrio, est ex gratia: sed non quicquid est ex gratia, est etiam ex hominis merito.

Hugo de Sancto Victore. ad illa Verba Rom. 4.

Ei autem qui operatur, merces non imputatur secundum gratiam, sed secundum debitum.



QVÆSTIO THEOLOGICA DE GRATIA HABITVALI,

Ad mentem Magistri Sententiarum, ex Lib. 2. Dist.
26. & sequentibus deprompta.

An Gratia habitualis, quæ est formalis
Diuinæ naturæ participatio: ac do-
num Supernaturale, intellectu-
ali Naturæ, creatione superadditum: &
ab alijs infusis habitibus, ac donis, di-
stinctum realiter: rectitudinem Ani-
mæ viatoris iustificati tribuens, ad
Actus meritorios: eidem per veram,
realem, intrinsecam, informationem
inhæreat, nec ne?

CONCLUSIO I.

Gratia Habitualis est formalis Diuinæ naturæ par-
ticipatio.

COROLLARIA.

I.

*Concedenda est in creaturâ rationali formalis esse Diuini parti-
cipatio, per quam, fini supernaturali, consequendo proportio-
natur, ad quem per illam disponitur.*

II.

*Gratia, non est Habitus proximè operatiuus, sed est forma, cuius
infusione, Deo gratus & acceptus, imò Diuinæ naturæ par-
ticeps, homo efficitur.*

III.

*Gratia Habitualis, esto fit forma de genere Qualitatis, tamen
modum essendi, & vigorem formæ Substantialis participat.*

IV.

Sola Gratia Habitualis infusio, ad Actus supernaturales elicendos, sine speciali auxilio, præuenientis, & adiuuantis gratiæ, minimè sufficit.

V.

Formalis participatio gratiæ, consistit in conuenientia, ac similitudine eiusdem formæ Analogica, inter participatum & participans.

VI.

Totam seriem, & ordinem Entium creatorum, esse gratiæ, secundum rationem suæ speciei, exuperat.

VII.

Animæ Christi Domini, tam intensiue, quàm extensiue, quò ad omnes operationes, & effectus: summa omnium Gratiarum plenitudo competebat.

VIII.

Præter Gratiam unionis in Christo Domino, etiam Habitualis concedenda est: minimè tamen adoptiua filiatio.

IX.

Gratia Sacramentalis, supra effectum sanctificandi, addit effectus peculiare, qui singula Sacramenta consequuntur.

CONCLUSIO II.

Gratia Habitualis, est donum Supernaturale, creatione, intellectuâli naturæ superadditum.

COROLLARIA

I.

Rationali naturæ, competunt perfectiones, non solum secundum naturam, sed etiam ex participatione Supernaturali Diuinæ bonitatis superaddita.

II.

Implicat, ad formas Supernaturales, dari passiuam aptitudinem in Anima, per modum appetitus insiti naturaliter.

III.

Licet detur capacitas Potentiæ obediētiâli subiecti ad actionem supernaturalem, ob hoc tamen, non est dicenda, de Potentiâ obediētiâli, Formæ taliseductio.

IV. Quem-

IV.

Quemadmodum anima rationalis, quæ est Vita corporis, à solo Deo infunditur: ita gratia iustificans, quæ est, quasi vita sanctior anima, ab eodem effectivè producitur.

V.

Gratia creari dicitur, prout secundum ipsam homines, in nouo esse, ex nihilo, id est non ex meritis, constituuntur.

VI.

Creatio habentium materiam in Qua, licet actionem Instrumenti dispositiuam admittit: minimè tamen talis actio, ipsam formæ substantiam potest attingere.

VII.

Sacramenta nouæ legis, continent & causant gratiam, ut sunt instrumenta disponentia ad ipsam recipiendam: Physicè eiusdem recreatiua.

VIII.

Quidquid est doni ac boni supernaturalis, totum est ex infusione creatione superadditâ: in meritis Passionis & sanguinis Christi fundatâ.

IX.

Licet Magister Sententiar: velit charitatem esse spiritus sancti formalem participationem: non negat tamen habitua-lem gratiam, creatam, nobis inhaerentem.

C O N C L U S I O III.

Gratia habitualis, ab alijs infusis habitibus realiter distinguitur.

C O R O L L A R I A.

I.

Forma iustificans est simplex qualitas, à charitate, ut excludens ab excluso, distincta.

II.

Gratia Sanctificans, immediatè in essentia Animæ recipitur: Virtutes quæ ab illa dimanant, in alijs potentiis.

D

III Gra-

III.

Gratia & charitas, sunt termini per se iustificationis, Fides & Spes, non item.

IV.

Gratia munus est, dare esse status Diuini: charitatis esse immediatum operandi principium.

V.

Sola infusione gratiæ, in Baptismo v. c, homines in filios Dei adoptiuos regenerantur, ac verè iusti sunt, & amici Dei.

VI.

Quemadmodum habitualis gratia, est principium essendi creatum, operans radicaliter: ita charitas, & aliæ Virtutes, sunt dispositiones perfecti ad optimum, respectu eiusdem.

VII.

Vt benè fiat actio, debet esse proportionata naturæ, quæ intrinsicè per illam regulata, ad finem suum ordinatur.

VIII.

Si de absoluta potentia, maneret à charitate separata Gratia, adhuc homo verè iustus, & Deo gratus diceretur.

IX.

Licet Gratia & Charitas eadem actione ponuntur, tamen illa est principium totius Spiritualis ædificij, ac terminus primarius, charitas verò secundarius.

CONCLUSIO IV.

Gratia sanctificans, rectitudinem Viatoris animæ, ad actus meritorios ipsam eleuando, tribuit.

COROLLARIA

I

Actus Vitæ æternæ meritorios, sine auxilio gratiæ actualis, præsentè quoq; Habituali gratia, hominem posse exercere est impossibile.

II.

Vt essentiam Deitatis impiè diuisit Arrius, proteruè confudit Sanctissimæ Trinitatis Personas Sabellius, Vnam esse Dei & hominis naturam, falsò docuit Eutiches, diuisit impuden-
ter

ter in Christo Personam Dei & hominis Nestorius, libertatem arbitrij negavit prodigiōse Lutherus: ita peruersē assecclæ Pelagij, per vires naturæ, posse hominem gratiam promereri, & actus Vitæ æternæ meritorios operari, institerunt persuadere.

III.

Nullæ dispositiones ac præparationes, conatus, motus, ac desideria, & quicquid ex vi naturæ dicitur esse in operando præuium, sine præuenientis gratiæ auxilio, potest esse meritorium.

IV.

Rectitudinis, quā anima ita ut oportet se habet ad Deum, Gratiæ habitualis & causa est, & terminus ad Quem.

V.

Non remissio peccatorum, sed animæ rectitudo, pro ratione constitutiuā iustificationis, est assignanda.

VI.

Donum ita se habendi ad Deum ut oportet, ante lapsum præstabat Originalis iustitia, post prolapsionem, idem præstat gratia.

VII.

Ad credendum rebus fidei ut oportet ad salutem, tum ad actus Vitæ æternæ fructuosè exercendos, simpliciter Gratiæ internæ inspirationis est necessaria.

VIII.

Ordo rectitudinis animæ, ad finem supernaturalem, est ab externa motione ad internam Vocationem, hinc ad fidem per dilectionem operantē, quæ est à iustificante Gratiæ, quæ ad æternam Dei Visionem, dono freta perseverantiæ, attingit.

IX.

Peccato primi Parentis, nihil omnino integritati Naturæ humanæ ademptum fuisse, nec deprauationis quidquam illi adhæsisse, erroneum est arbitrari.

CONCLUSIO V.

Gratiæ iustificans, per Veram & intrinsecam informationem, Viatoris animæ inhæret realiter.

C O R O L L A R I A.

I.

Gratia sanctificans, pro immediato subiecto inhaesionis, habet essentiam animæ, in qua Deus Opt. quasi in loco quodam quem sibi sanctificat, eumq; continet sanctitate, esse, dicitur.

II.

Formalis Effectus Gratia iustificantis, est sanctificatio Animæ, propter quam homo Deo gratus esse, iustus, sanctus, amicus Dei, ac æternæ adoptionis Filius, verè ac realiter nominatur.

III.

Falsò Pelagiani, prædicationem doctrinæ Fidei, solam remissionem peccatorum, Legem, dona quæcunq; naturalia, acceptationem Dei extrinsecam, loco gratia inhaerentis in anima, adstruebant.

IV.

Inhaesio realis gratia in anima, per suos Effectus & actus potentialium, sibi debitè subordinatos, ut sunt sanitas, conuersio ad Deum, actus meritorii, actualis perseuerantia, innotescunt euidentissimè.

V.

Hereticorum deliramenta sunt, peccata infusione gratia non tolli, sed solum tegi, ne in cōspectu Dei appareant: atq; sic in iudicio finali, quoad reatum culpæ non imputari.

VI.

Gratia est forma animæ hominis à Deo gratuito infusa, ut vera & permanens qualitas, non ut motio per modum transeuntis.

VII.


Per gratiam sanctificantem, animas iustorum Deus inhabitans, operatur in ipsis tam cognitionem quàm amorem supernaturalium.

VIII.

Non est figuratus loquendi modus, sed verus & proprius, in animas iustorum, infundi dona, & gratias Spiritus sancti, per quas eis datur, in ipsis permanendo.

IX.

An Deus hominem sibi gratum possit facere, sine gratia iustificantis infusione, ac sine aliquo reali naturæ superaddito: negantis partis opinioni censeo subscribendum.





Sub felicibus auspicijs.

*Perillustris Admodum Reuerendi & Magnifici
Domini,*

D. JACOBI GORSKI,

I. V. Doctoris & Professoris, Protono-
tarij Apostolici, Eccles: Cathedralis
Crac: Canonici, & Collegiatæ SS.

Omnium Custodis, &c. &c.

Vniuersitatis Cracouiens.

R E C T O R I S

Vigilantissimi.





Biblioteka Jagiellońska



stdr0025643

30.

